

第一章

約拿書

耶和華之言臨於亞米太子約拿云起也。往尼尼微。其邑大也。爾宜攻之而宣呼也。蓋其惡慝上至我前矣。然約拿起而欲逃至大失以避耶和華之面。乃下至約帕。適遇一舟。將往大失。則給以值。登舟偕往。大失以避耶和華之面。耶和華使大風降於海上。海中有暴風之大者。致舟幾壞。舟子咸懼。人各呼求其神。且以舟中之貨拋於海。欲舟輕也。惟約拿曾入舟之內。層偃卧酣寢。舟師就而謂之曰。爾寢何意乎。起呼求爾神。庶神更俯念我。儕不致淪亡也。彼眾相語云。

Jonah

莫若我儕掣籤。俾知此災緣誰而臨我儕。遂掣籤。籤
及於約拿。眾謂之曰。請爾告我。此災臨我。何故耶。爾
業何也。爾奚自。爾故土何處。爾屬何族民。彼答之曰。
我乃希伯來人。我畏耶和華。天之神也。造海與乾地
者也。於是其人懼甚。乃謂之曰。爾胡為行此哉。蓋其
人已知。彼避耶和華之面。緣彼曾告之也。眾遂謂之
曰。我儕宜何為於爾。致海得靖於我乎。蓋海狂蕩愈
甚也。彼答之曰。取我而投於海。則海將與爾為靖。蓋
我知此暴風之大者。臨爾為我故也。其人猶鼓棹。欲
進舟於地。惟不克進。蓋海狂蕩愈甚也。緣此眾呼籲

第二章

耶和華云。求爾耶和華。歟。求爾。毋為此人之命。而使
我滅亡。毋以無辜之血歸於我。蓋爾耶和華。循己意
而行焉。眾遂取約拿。拋之於海。海之震盪。遂息。其人
則大畏耶和華。以禮物獻耶和華。且立誓願。夫耶和
華已備巨魚。吞約拿。約拿在魚腹。歷三日三夜焉。
時約拿在魚腹。禱告其神耶和華云。我緣所受之苦
而呼求。耶和華。其遂聽我。我曾於陰府中呼籲。而爾
聞我聲。蓋爾曾投我於淵中。卽海之中心。而海水環
我。爾之波濤巨浪。悉溢我。我則曰。我見。逐離爾目前。
我猶將復覲爾聖所。水環我。致危我命。深淵四周環

第三章

我海草裏我首。我曾下於山麓地之關隘。我迄於永
 遠。然爾耶和華我之神。歟。曾拯我命。脫於滅亡。我靈
 憊於我衷時。我則記憶耶和華。且我之祈禱得進於
 爾前。卽至爾之聖殿也。凡供事虛浮者。乃棄己之恩
 澤。然我將以感恩之聲。而獻祭於爾。我所誓之願。則
 必償之。施救。乃屬耶和華也。○耶和華命其魚。則吐
 約拿於乾地焉。

耶和華之言。第二次臨於約拿云。起也。往尼尼微。其
 邑大也。與之宣示。我所命爾之宣示。約拿遂起。循耶
 和華之言。往於尼尼微。夫尼尼微為至大之邑。卽歷

程三日之邑。約拿啟行。歷其邑一日之程。乃呼曰。猶
待四十日。則尼尼微必傾圮矣。尼尼微人信神。則出
示禁食。以麻自衣。自大自小皆然。其事聞及尼尼微
王。王遂起於位。乃釋朝服於身。以麻自衣。且坐於灰。
又使示宣於尼尼微。為王與其大臣所命云。或人或
畜。或牛羣羊羣。皆不許食。何者。不可飼。亦不可飲水
也。人與畜皆宜衣麻。疾呼籲神。且各宜離其惡途。及
手所作之強暴。神或肯轉而自悔。且轉而自息。其烈
怒不致我儕滅亡。誰可知乎。於是神監其行為。知其
轉離其惡途。神則自悔所言。將降於彼之災。而不降

第四章

之。惟斯事致約拿甚不悅。而怒極烈。遂祈於耶和華曰。耶和華歟。今求爾矣。我在故國時。豈非先言斯事乎。緣此我先逃於大失。蓋我早知爾乃鴻恩。及矜恤之神。緩怒大施慈悲。而自悔加災者。耶和華歟。今求爾除我命。蓋我死較生尤善焉。耶和華遂謂之曰。爾怒豈合宜乎。約拿出邑。在邑之東隅而坐。在彼為己結菴。坐其蔭下。欲迨見邑中將有何徵。主耶和華已備一蓖麻。使之發生。以覆約拿。致其在首上。施蔭。俾可救之。脫其苦也。約拿緣此蓖麻而喜甚。然神備一蟲。

艾

艾

於明日昧爽嚙其蓖麻則乃槁焉。日出時神備東風
猛烈致日曝。約拿拿之首。約拿困憊。故其中心求死曰
我死較生尤善矣。耶和華謂約拿曰。爾緣此蓖麻而
怒。豈合宜乎。對曰。我怒致死。合宜也。耶和華曰。爾顧
惜此蓖麻。爾不為之而勞。亦非為爾所培。乃於一夜
而生。於一夜而亡也。况我也。我豈不宜惜尼尼微乎。
其邑大也。其中有十二萬餘。不能辨其左右者。且多
有牲畜焉。

約
拿
書
終